



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 88. P. Sotelli Minoritæ relatio de Ecclesiæ Japonicæ statu.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

mortis reum semper judicavit, ut vero Sæc. XVII.
 apertius animi sui sensa exponeret, duo- A. C. 1633.
 decim assertiones contra Christi divini-
 tatem, ejusque legem in charta ex-
 pressit, qua eidem ablata Magistratus,
 Prædicantibus desuper in consilium vo-
 catis, sententiam in eum tulit, vi cujus
 laqueo suspensus, postea igne consum-
 ptus est. Quis non putaret, quod Ge-
 nevenses Caspari Schioppii consilium
 fuerint secuti.

§. LXXXVIII.

*P. Sotelli Minoritæ relatio de Eccle-
 siæ Japonicæ statu.*

Sub idem tempus P. Fridericus Ludo- Jäger. hist.
 vicus Sotellus Regius ad Apostoli- Eccl. p. 535.
 cam Sedem Legatus, Regnique Oxen-
 sis Apostolus ex Ordine FF. Minorum,
 ac postea gloriosus Martyr Urbano VIII.
 Pontifici recens exortam in Japonica
 Ecclesia afflictionem calamitatemque
 retulit, affirmans, quod nonnisi publi-
 ca & manifesta scripserit; demum ex-
 positis præcipuis illius causis remedia
 tanto malo prævalentia opponi efflagi-
 tavit: Præprimis vero Imperatoris ty-
 rannidem, Bonziorum insidias, nec-
 non Virorum Apostolicorum paucita-
 tem prolixius commemorabat, gravi-
 ter questus, quod cum tot Provin-
 ciæ,

Sæc. XVII.,ciæ, totque civitates magnæ & po-
 A. C. 1633., pulosissimæ in Japonia exsultant, qui-
 „bus per multum temporis spatium, non
 „dicam Evangelium prædicare, sed
 „quas vix ac ne vix quidem percurre-
 „re aut certe perlustrare possunt, illi
 „nihil fecius tamen earum Episcopi-
 „tam ex prætenso illo privilegio a Ja-
 „poniæ Governatore magnis impensis
 „concesso sibi solis arrogant, & si de
 „alterius Ordinis Ministris vel Zelo cha-
 „ritatis permotis, vel ab ipsis fidelibus
 „ad refectorem animarum tam dir-
 „turna fame spirituali tabescentium vo-
 „catis comperiuntur, quod eos, qui
 „per viginti & amplius annos non sunt
 „confessi, multo minus Sacerdotem vi-
 „derunt, aut confessiones audierunt,
 „lapsi jamjam proclives confirmant,
 „a fide delapsos reducerint, necnon in-
 „fidelium quamplurimos converterint;
 „ecce! e diverso consurgentes Jesuitæ,
 „etiamsi ea Provincia longissime distet,
 „& eam antea nunquam vel pede qui-
 „dem tetigerint, quam propere veniunt,
 „ministros talia perpetrantes oppressuri,
 „eisque statutum Concilii Tridentini
 „objectant, quo præcipitur a S. Syno-
 „do sub excommunicationis sententiâ,
 „ne ullus Sacerdos Sacramenta in al-
 „terius Parochia ministraret sine con-
 „sensu, imo, quod magis est, & la-
 „tino

„tino idiomate idem producentes pu- Sæc. XVII.
 „blice referunt. Sin vero ejusmodi A. C. 1633.
 „Ministri porro instant, hic non de ter-
 „ris infidelium & novis conversionibus,
 „nec de neophytis christianorum, sed
 „veterum christianorum Regionibus
 „sermonem esse, evincendo, eosdem
 „tanquam refractarios Concilii trans-
 „gressores palam divulgant, & ab istis
 „locis multis machinis propellere an-
 „nituntur: Christianis autem omnem
 „susceptionem illorum, atque hospiti-
 „um sub nefandis comminationibus
 „interdicunt, ut talibus postea, qui
 „vel confraternitatibus Rosarii, puta,
 „vel chordæ vel corrigiæ adscribuntur,
 „apud pios quosdam deprehensis su-
 „sceptores vehementer castigatos, qua-
 „sique non amplius christiani essent,
 „a se ejiciunt, ac Francisci chordæ
 „addictos a communione Sacramento-
 „rum excludunt. Præterea ubique lo-
 „corum ablegant, qui se Episcopi sui
 „Vicarios venditantes, christianos hor-
 „rendum in modum vexant, & ut pro-
 „legitimis Superioribus agnoscantur,
 „his pro ea qua pollent, auctoritate
 „graviter injungunt, quæ res eo ex-
 „tremitatis pervenit, ut & in Orientali,
 „& Occidentali plaga, ubi nullus eo-
 „rum antehac prædicarat, nedum has
 „terras aspexerat, verum Religiosi S.
 „Fran-

Sæc. XVII. „Francisci primum ibidem annuatiave
 A. C. 1633. „rant Evangelium, ac usque ad perfec-
 „tionem publicas Ecclesias ex Licen-
 „tia ab Imperatore data habuerant,
 „de illis missi fuerint, qui se Episcopi
 „Vicarios, nescio qua ambitione adacti,
 „jactarunt, & antiquos Ministros ma-
 „ximis contumeliis affecerunt; & ut
 „multa alia, prosequitur Sotellus, præ-
 „teream, ex qua facta relatione culli-
 „bet sana mente prædico satis consti-
 „re arbitror, religiosos hos Jesuitas de-
 „sios velle inter Christianos pro Domi-
 „nis haberi, atque unicos patronos re-
 „putari, qua de causa quoque nullo
 „modo permittunt, ut alii præter ipsos
 „Jubilæa publicent, neque tolerant Con-
 „fraternitates etiam ab Ecclesia appro-
 „batas, ipsisque Ministris annexas, ne-
 „que aliud quidpiam spirituale opus fi-
 „delium devotionem promovens, & ad
 „fidei incrementum valde conducens.
 „Quod si etiam a Vicario Generali sive
 „Gubernatore alios Ordinis christiani
 „petunt, ut informationes juridicas
 „fratrum suorum pro christiana fide
 „martyrium subeuntium faciant, re-
 „pulsam accipiunt, cum de suis Mar-
 „tyribus copiosissimas conficiant infor-
 „mationes, & magnificis relatione-
 „bus relationes alias superaddant, si
 „quid

Sæc. XVII.
A.C. 1633.

„quid ab aliis Sacerdotibus magnifi-
 „cum, si quid gloriosum fiat, hoc ipsi
 „annihilare, variisque fraudibus deco-
 „lorare contendunt. Si quæ Religiosi
 „intentaverunt, obsistunt, vel saltem
 „cecu futilia proclamant: si qua scribun-
 „tur, ea quoque pro falsis haberi co-
 „nantur, aut certe malevolas passiones
 „scriptis affingunt. Quæ sua sunt, ac
 „per suos fiunt, exquisitissimis verbis
 „extollunt, prædicant, & in vulgus
 „spargunt: in Sanctitate, in scientia,
 „in autoritate non solum primi esse,
 „sed neque sibi æquales habere volunt.
 „Quare quæ ipsi primi non faciant, nec
 „aliis Religiosis licitum est inchoare,
 „& quantumvis tantum onus propriis
 „viribus sustentare non valeant, alio-
 „rum tamen adiutorium respuunt. Si
 „quid vero adversa ipsorum causa eve-
 „nerit, quia propatula inficiari ne-
 „queunt, palliata tamen vera causa
 „vel præmaturo Religiosorum Zelo vel
 „eorum prudentiæ defectui illud tri-
 „buunt, idque sub magna specie ubi-
 „vis publicare sciunt.„ Ipsum etiam
 „Episcopum Jesuitis suis adeo dicit esse
 „subiectum, ut nihil præter ipsorum
 „placita, & ab ipsis ordinata agere pos-
 „sit; hinc ejus autoritatem, nomen-
 „que ipsis ad omnia deservire; quæ sibi
 „placeant, ejus nomine & autoritate
 exe-

Sæc. XVII. A. C. 1633. exequenda, quantocumque demum cum
 dispendio animarum id fiat. Quæ cum
 teneræ plantulæ oculis suis cernant,
 hujusmodi eos committere, qui unum
 Deum, unam fidem, unum Baptisma,
 unum ovile, pastorem unum annun-
 tiant, amorem Dei & proximi finem
 legis Divinæ prædicent, in fide tri-
 bant; & quod deterius est, nonnulli
 a fide prorsus deficiunt, nonnulli au-
 tem infideles illudunt ceteris christia-
 nis, legemque divinam pro ludibrio
 habent, dicentes, quod aut illi veri-
 tatem non docerent, aut certe veri
 esse ipsi non crederent, quæ prædica-
 rent; & nullum statuunt discrimen in-
 tercedere inter suos Sacerdotes (quos
 Bonzios appellant) & christianorum,
 propter multas quoque contradictiones,
 propterque eandem fere doctrinam ver-
 bis tantum differentem: quod id ipsum
 est, cur alii deinceps inferant, dantes
 esse Deos; unum divitem & potentem,
 alium vero pauperem & humilem, qui
 a divite opprimatur, atque deludatur.
 His subjungit Sotelus alias sententias
 a Japonensibus mutuatas, quæ vel in
 ipso etiam rigore Scholastico adhuc
 dum dubiæ sint, v. g. quod Catechu-
 menos de usuris antea factis jam vero
 restituendis aut componendis ante Ba-
 ptismum non admoneant, sed postea

ad confessionem referant, & idem de Sæc. XVII.
A. C. 1633.
 male habitis & de servis injuste posses-
 sis affirmant; antequam fidei rudimen-
 ta noverint Catechumeni, eos publice
 baptizent, idque cum sola aqua; extra
 casum necessitatis communem licen-
 tiam concedant non solum Sacerdoti-
 bus, sed ipsis etiam secularibus omnes,
 quos suadent, baptizandi, quamvis &
 ad baptismum disponere homines, &
 actus supernaturales fidei divinæ & con-
 tritionis insinuare, omnimode igno-
 rent: quod insuper in commodatis tri-
 ginta aut viginti pro centum etiam dato
 pignore ob consuetudinem & officium
 accipere permittant, nec antea Dia-
 conos nedum ordinatos in Missa solen-
 ni, in pulpitoque Evangelium populo
 prædicare curent, quæ proinde cum
 omni tempore nociva valde sint & per-
 niciosissima, tum hac instanti persecu-
 tione præcipue longe venenosiora lon-
 geque pestilentiora, hinc, ut citius,
 quæ videbuntur magis opportuna, di-
 sponeret Pontifex, humiliter & suppli-
 citer efflagitabat Sotellus.

§. LXXXIX.

*Halberstadiensis & Francofordianus
 Protestantium Conventus.*

Hist. Eccles. Tom. LIX, Uu Hic